

2004

DAS SIND HOFA-HÄXÄ BÄNGG..
WENN DIR UNS LOSED HÄN DR'S GSCHÄNGG..
STÖHND UFF UND MACHED ALLI MIT..
DENN WIRD DIE FASNACHT E RIESÄ HIT..

Dr SC Soleita isch scho wieder abgstiegä..
Zur Zyyt duen sie sich in dr unterstä Liga verwiilä
Das isch jo nüt neus und jetzt chunnts beste
Bi Soleitä hämmer inzwüsche alles Fremdsproche Spezialischte

TRULLA DI RULLA, TRULLA DI HO, TRULLA DI HULLA, ES ISCH HALT ESO

Dr Pfarrer vo Hofstette het zwenig Lüt in dr Mäss
das verzellt är letschti allne in dr Präss
er findet wenn doch keine in d Kirche duet renne
chönnt är jo denn schliesslich au mol uspenne

TRULLA DI RULLA, TRULLA DI HO, TRULLA DI HULLA, ES ISCH HALT ESO

In Flüh do wirds e Altersheim gäh
als Name hett me Bachmugge welle näh
doch d' Muggebisser hän do s Veto i gleggt
suscht hätt me se nachem 10 jöhrige no dort ine gsteegt

Dr Fischer het nach Bärn welle goh
doch leider häns en dort nid gnoo
am Schluss chuunts eh anderscht as me dänggt
und die wo mien zahle hän wiedermol s Gschängg

d'Michelle und dr Eros hän Lämpe gha
will sie e Häx hett und är eini wett ha
kei Problem sage mir do, Eros muesch nid wimmere
chunnsch uff Hofstette do hetts Häxä wo sich um die kümmerere

Jetzt sin doch d'Schwyzler tatsächlich au no dra
und sueche au do dr singendi Musikstar
als ob das bi uns öppis würd bringe
mer hän jo scho in dr Politik gnue wo falsch singe

Z Hofstette gits jetzt e huffe neu i Kaufsmöglichkeit
was uns Fraue wieder zum Gäld usgäh chönnt verleite
Männer, Ihr miend jetzt nid grad afo Amok laufe
Me cha jo schliesslich do obe no keini Schueh ikaufe

Sit X-Joohr sin sie am vermässe dra
Jede Ecke und Winkel im Dorf, näme si sich aa
jetzt hän si uns drei centimeter Garte wägnoh
drfür hämer uff dr Bärgmatte e Tännli becho

Im Dezember letscht Joohr hett is d Magie kurz verloh
trotz häxä und zaubere, hett me nur no ein Frau in Bundersroot gno
do hän mir junge Fraue nümü viel zliche
bi sächs alte Knacker und eim einzige Drache

Ohni si Mamí und ohni si Frau
isch dr Hakan uf Paris die verloogeni....*piep*
jetzt isch är aber wieder do will är mit Pariser nid cha umgoo

